

國朝滇南詩略

卷七

國朝滇南詩畧卷七

古皖江濬源岷雨

鑒定

保山袁文揆纂輯

姚江翁元圻鳳西

王思訓

字疇五號永齋昆明人蒙熙丙戌進士
歷官翰林院侍讀著有滇乘廿五卷見

山樓集四書文稿先生督學江西最得

士心高安相國極重之親製文為壽其制

義有初集二集至今江西奉為辦香其諸

古文詞尤為擅長駢體六臻徐庾他日當

力求其見山樓集

與同志者鏤之

擬陳思美女篇

麗人生南國。美豔柔且嘉。遵彼芳甸路。旭日籠晴霞。匪髟鬢雲委。曼睂層波加。緜緜鳥出谷。郁郁蘭生芽。藻翹麗瑤佩。鸞錦攢春葩。煥乎若神沛。一洗脂粉汙。道傍驚顧問。碧玉非小家。夙夜畏行露。誰敢逞鼠牙。徽音嗣江漢。琴瑟羞箏琶。中心抱所結。過眼皆塵沙。禮義信能止。釀粹安足誇。可望不可狎。相遇空咨嗟。

仙人篇

昨夢登太華。邂逅希夷子。手揮五粒松。嘯傲白雲裏。
長跪通我情。慵見世波靡。願求蟄龍法。百日卧不起。
先生一軒渠。君言釋且俚。睡目不睡心。百年亦徒爾。
世皆夢夢人。不待睡如死。萬古長夜中。能醒獨魯史。
爾不學醒法。乃與昏冥比。驚覺汗浹流。細繹斯言理。
生同沉湎人。迷蒙將已矣。尼山鐸可徇。偕世振袂止。

讀此覺遊仙詩轉屬無謂

艷歌行

美人佩良玉。來充君子房。新粧艷桃李。挾瑟登高堂。
君子且安坐。皓腕奉春觴。聽妾謠一曲。知妾心悲傷。
勿若秋空月。圓極虧清光。勿若長江水。逝波舍故鄉。
勿若蘭與桂。過時減芬芳。願為堂前燕。棲影同雕梁。
春愁對相訴。旦旦成雙雙。身非金石固。心貴永不忘。
好色不淫 國風之遺

少年行

少年遊俠子。駿馬馳燕幽。長袖挾錦瑟。短袂懸吳鉤。雄健虜貌怒。狡捷猿猱愁。睡酣失歡意。赤丸起相讐。黃金百鎰散。然諾齊山邱。倦獵秋風塞。醉誇明月樓。西征急烽火。慷慨赴邊州。縱橫祁連外。笑飲月氏頭。鐃吹玉關入。指顧輕封侯。

謁墓

父子可苦饑。母子可苦寒。兒今在墓側。胡不向兒言。父母棄兒去。兒當毀齒年。兒饑誰兒念。兒寒誰

國朝詩話卷一
兒憐空幃。滿夕照。兒怕鬼物喧。倉皇出四顧。孤
愁深。山林昏。犀兕叫。日落狐狸眠。魑魅忽喜怒。叢
薄相糾纏。父母出壙外。應望兒盥桓。父子勿畏獨。
母子勿病孱。兒今在墓側。可博權時歡。蕭蕭白楊
樹。漠漠黃雲天。千秋長已矣。不見父母顏。或一奉
色笑。欲早歸重泉。至性語可匹
昌黎履霜操

感遇六首

磊磊千尺梧。孤根蟠禹穴。雷霆鼓其精。震撼飽霜

雪。琴瑟資蕭音。鸞鳳棲高潔。時人採春華。閤淡無
由折。豈不愛豔陽。性難偕衆悅。較非不愛好官思
之爛熟耳尤渾括

大造開洪爐。萬彙任陶鑄。高下一定形。莫敢與之
忤。能立貞介心。以俟榮枯數。此外皆險途。駐足防
顛踣。高天塞欲登。妙曲瘖思度。終古無此人。結想

徒成誤。

高天二句
語意生新

寂寂冬夜長。耿耿不能寐。呼酒聞疎鐘。寸心百憂
萃。靜顧身世間。碌碌真可喟。得喪爭幾希。豈在榮

與悴。處世空長年。愚哉牛山淚。

造物散精華。冰融雪浩潔。燎飛藝圃灰。清光匪澌

滅。默默千世間。緜緜一誠結。後先絕續交。危疑任

百折。倘為氣化移。振古無豪傑。

不移者所以難能可貴

惟聖能達節。守節斯為賢。百世厲清介。已甚寧踰

垣。可聞不可見。龍隱鴻高騫。通方一假托。行敗名

亦鐫。勿哂於陵子。却聘謂其偏。

寧為其迂勿為其通誠畏失足也

天道昭報施。慶殃頗參錯。惡誠不可為。我未嘗為

惡顧子為斯言。心悲神亦鑠。君子道其常。善寧用
推度。九逝篤不忘。坎壈志豈愕。知道其常則
天問亦多事

山行失路至一村莊甚幽異

僕夫後相失。心疑力不迫。隨山轉深幽。忽復得泉
脈。雲壑亭皋連。鬱紆盤細陌。槿籬傍虛巖。茅舍值
松柵。鵲鳩屋上鳴。炊烟樹杪白。牛羊飲渚澗。春聲
出翠麓。委折林薄通。苔蘚仄徑積。為問此中人。知
否勞勞客。

示瀛

用昌黎符讀
書城南韻

我自備萬物。浩氣充扶輿。宇內事已事。炳炳旂常
書。可傳無一節。真愧此生虛。伊予老始悔。欲爾奮
厥初。予忝列科第。光寵分邱閭。靜夜恒自反。驚愧
心茫如。澤不被草木。誠不孚豚魚。因循走京洛。十
載儒術疎。謬列纂修秩。竽濫吹石渠。立言立功德。
遺笑遼東豬。人皆策騏驎。我獨騎蟾蜍。但知飲沆
瀣。甘帶羞蛭蛆。編籬蔕花木。幽曲如禪居。彭廬出

秉鑑豈在溫飽歟。外無二頃地。內無三歲儲。最爾
以學問為善慶有餘。爾本貧家子。毋慕金玉且事
當圖智。網志莫陳仁。鉏魏魏麟鳳表。薄技輕黔驢。
書田一荒蕪。耕者難菑畬。凜凜歲寒節。松竹森庭
除。陋哉夸毗者。僂折揚輕裾。行恕日已強。得力洵
多譽。利欲勢可畏。陷人如歸墟。博辨撤碍障。常使
心神舒。源頭含活水。徒取於方諸。焉能潤枯槁。臨
渴空躊躇。

冬夜寒甚示瀟

元冥御窮陰。萬物向枯槁。矚目霜雪威。中猶標勁草。百卉望春陽。欣欣逐晴杲。獨抱幽棲情。不矜顏色好。志士寐自怡。哲人明自保。鑑彼歲寒心。遇合勿希早。

塞上曲

萬里龍城獨戍客。城上思鄉頭易白。霜摧鼓角逐嫖姚。月冷關山入疏勒。盧家少婦本多愁。不聽征

鴻。亦。淚。流。何。處。高。樓。倚。羌。管。聲。聲。哀。怨。生。涼。州。梅。
花。落。盡。淚。不。盡。隨。風。吹。到。海。西。頭。
宛然摩詰

遼后粧樓謠

夾城雨釀桃花熱。細逐東風香不滅。可是蕭娘舊。
麝膏。春來故故飛紅雪。紅雪飛來玉竦邊。曾聞金。
屋貯嬋娟。文牕窈窕藏春處。古樹棲鴉亂暮煙。暮。
烟深。護瑤華。島。耶律雄圖茂芳草。綺殿何年閉。廣。
寒居庸。歸去。胭脂。橋。胭脂當年擅風流。粧罷琵琶。

獨倚樓。畫棟珠簾。今白塔蛾眉空鎖。塔鈴愁鈴聲。
猶似舊。面祇有烟鬟梳不倦。鏡鸞對影更何人。
去來明月。回心院。此與野園歌又
酷似吳梅村

金井菴行并序

明崇禎癸未黔國公沐天波調土官祿永
命沙定洲討元謀酋吾必奎之亂賊既平
定洲始至留屯南城外不去天波日與燕
樂定洲心艷其富貴遂謀殺奪陰結天波

客于錫川等為內應率兵襲黔府府中大
亂天波排牆而出士民擁天波母陳太夫
人走城北朝陽菴避亂夫人焦倉猝尋太
夫人不見乃携幼女從一宦者雜衆走金
井菴兩菴相去二里許各不相聞抵暮天
波西奔士民欲奉夫人往從夫人曰我命
婦義不可辱中途遇賊奈何不如早死使
公無累得以一意討賊死不愈於生乎且

我姑義烈今日必死吾稍遲愧吾姑矣命
宦者聚薪閉門燃佛燈自焚女七歲見火
烈焰起驚號欲避夫人固抱同死灰燼中
指猶不脫是夜陳亦焚死於朝陽菴

煙剔鼠穴招封。羈邑人不戒。城將蕪。忽集壞。雲作
陰雨。屋頭變作鵠。鷓呼蠻蠢操戈。故國破。黎侯西
走宮中。虛凜然大義有瞿。眼恨難飛步。張天弢。寶
玦珊瑚。顧不得。忍教白壁拋城隅。笑圍智伴。勃提